



Inatsisartuni ilaasortaq Pele Broberg, Partii Naleraq
/maani

**Mittarfissat ataatsimoortitat aningaasalersorneqarnissaat pillugu § 37
naapertorlugu apeqquteqaammut 2019-171-imut akissut**

01-05-2019
Suliaq nr.: 2019 - 10033
Id nr. 40537995

Asasara Pele Broberg

Inatsisartut suleriaasianni § 37 naapertorlugu mittarfissat nutaat il.il. pillugit Naalakkersuisunut apeqquteqaateqarputit. Apeqqutitit uannut akisassanngorlugit innersuunneqarput. Apeqqutit matuma kinguliani ataasiakkaarlugit issuarneqarput, akissuteqaammik malitseqartinneqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1. Qanoq Kalaallit Airports aamma mittarfissualiornissaq aningaasalersorneqarniarpa, Aningaasaqarnermut Ataatsimiititaliami amerlanerussuteqartut maannakkut innersuussutigaat Naalakkersuisunut konto 10.13.11-mut aningaasaliissutit isorliunerusunut sanaartugassanut inisseqqullugit innersuussuteqarmata, taamaalilluni 250 million koruuninik minnerusumik aningaasaliissuteqartussanngorlugu?

Apeqqut 2. Qanormita Naalakkersuisut ikinnerussuteqarlutik Aningaasaqarnermut Ataatsimiititaliami ilaasortat oqaaseqaataat isumaqarfigaat, uanimi mittarfissualiornissamut inatsit aamma aningaasaqarnermut 2019-imoortumut inatsissami allanngortinneqassasoq piumasaqaatigineqarmat taamaalilluni Mittarfissualiornissaq tamaat aatsaat nalilersuiffigineqaqqittariaqalerluni?

Apeqqut 3. Aningaasaqarnermut Ataatsimiititaliamiit taamatut kissateqartoqarnera naapertorlugu Naalakkersuisut qanormita sunniiniarlutik periarfissaqarpat Kalaallit Airports-ip sulineranut sanaartorneqartussat eqqarsaatigalugit?

Apeqqut 4. Qanoq Kalaallit Airports-imi siulersuisut isumaqarpat Mittarfissualiornissamut qulartoqalerner aamma tapersersorneqarnerata annikillinera pissutigalugu, Aningaasaqarnermut Ataatsimiititaliap inassutaa malillugu?

Akissut: Apeqqutinut 1 – 4-imut akissuteqaateqarninni 2018-imut llassutitut aningaasaliissutinut siunnersuutip Inatsisartuni aappassaaneerneqarnissaanut Aningaasaqarnermut Akileraartarnermullu Ataatsimiititaliap isumaliutissiissutaani kaammattuutip nr. 1-ip apeqquteqaammi innersuussutigineqarnera aallaavigaara.

Inatsisissatut siunnersuut ulloq 11. april 2019, Aningaasaqarnermut Akileraartarnermullu Ataatsimiititaliap isumaliutissiissutaa aallaavigalugu aappassaaneerneqarpoq. Upernaakkut ataatsimiinnermi oqaluuserisassat naapertorlugit inatsisissatut siunnersuutip pingajussaaneerneqarnera ulloq 30. april 2019 pisussaavoq. Isumaliutissiissummut Inatsisartut inatsisissatut siunnersuut pillugu Inatsisartuni

isumaqatiginninniarnerni ingerlasuni ilaatinneqarneqartumut apeqquteqaatini innersuussisoqarnera aallaavigalugu, apeqqutinut qaqinneqartunut oqaaseqaatikka ilusilersugaapput.

Aningaasaqarnermut Akileraartarnermullu Ataatsimiititaliap isumaliutissiissutaanut Naalackersuisut oqaaseqaataat, inatsisissatut siunnersuutip Inatsisartuni aappassaaneerreqarnerani Aningaasaqarnermut Nunanilu Avannarlerni Suleqatigiinnermut Naalackersuisumit saqqummiunneqarput. Oqaaseqaatit taakkua innersuussutigissavakka, tassani ilaatigut oqaatigineqarpoq Naalackersuisut ataatsimiititaliap kaammattuuta qujarukkaat. Mittarfiliassat ataatsimoortut, 2019-imut Aningaasanut Inatsimmi Kontumut pingaarnermut 10.13.11-imut oqaasertaliussami nr. 1-imi kiisalu Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaanni, akuerineqartunut naapertuuttumik aningaasalersorneqarnissaat ingerlanneqarnissaallu, kaammattuummi eqqaaneqartumi akornuserneqartoq, Naalackersuisut isumaqanngillat.

Apeqqut 5. Apeqquteqaat aallaavigalugu oqallitsisinissamut oqallitsinerullu kinguneranik suliaq unitsinneqarallassasoq Naalackersuisunut piumasarineqassappat qanoq Naalackersuisut isumaqarpat?

Akissut: Isumaqaarpunga apeqqut piviusumik aallaaveqanngitsaq. Taamaattumik isumaqaarpunga, pisussat aalajangersimasut ilisimaneqaratik, pisussatut eqqarsaatigineqartumut Naalackersuisut qanoq isumaqassagaluarnerisut, sioqqutsisumik oqaatigissagaluarukku, sioqqutaarinnermut tamanna takussutissaassasoq.

Tamanna tunngavigalugu tunngaviusumik isumaqaarpunga, apeqqutip akissuteqarfigineqarnissaa tunngavissaqanngitsaq. Naalackersuisut apeqquteqaat aallaavigalugu oqallinnermut aalajangersimasumut isummersussapput, oqallinnissaq taamaattoq pisariaqalissagaluarpat.

Tassunga atatillugu apeqquteqaat aallaavigalugu oqallinnermut aamma Inatsisartut oqaaseqaateqartarnerinut maleruagassat il.il. pillugit Inatsisartut suleriaasianni § 36 innersuussutigissavara.

Apeqqut 6. Naalackersuisut arlaannik paasissutissaatinik misissuisimanermik peqarpat, mittarfissualiornissap inuiaqatigiit sunniutaasussanik nalilersuineq malillugu?

Akissut: Inuiaqatigiit aningaasaqarnerannut sunniutaasussanik nalilersueqqaarneq ukiup ataatsip missaa matuma siorna suliarineqarpoq, tamatumalu kingorna mittarfissat nutaat aningaasalersorneqarneranni naalagaaffiup peqataanissaa pillugu danskit naalackersuisuinut isumaqatigiissuteqartoqarpoq. Pissutsit taakkua eqqarsaatigalugit isumaqaarpunga inuiaqatigiit aningaasaqarnerannut sunniutaasussanik nalilersuinerit, Inatsisartut 2018-imi ukiaanerani ataatsimiinneranni oqaluuserisassap 21-ip (Uunga siunnersuut: Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaat nr. xx, xx. xxx 2018-imeersoq) suliarineqarnerani pigineqareersut, mittarfissat ataatsimoortut inuiaqatigiit aningaasaqarnerannut sunniutissaannik nalilersuineri, suli tunngavigineqarsinnaasut.

Tassani mittarfiliassat ataatsimoortut aningaasalersorneqarneranni naalagaaffiup peqataanissaata malitsigisaanik, mittarfiliassani ataatsimoortuni aningaasaqarnikkut aamma inuiaqatigiit aningaasaqarnerannut sunniinernik pitsanngorsaaneq ilaatinneqarpoq. Tassunga atatillugu oqaatigineqassaaq, tamatuma kingorna mittarfissat nutaat aningaasalerneqarneranni naalagaaffiup peqataanissaa pillugu Naalakkersuisut aamma danskit naalakkersuisuisa akornanni aalajangersimasumik isumaqatigiissuteqartoqarmat.

Suli suliap iluani aamma avataani pisut arlallit, mittarfissani aningaasaliinerni inaarutaasumik inuiaqatigiit aningaasaqarnerannut isiginninnermut, sunniisinnaapput. "Mittarfiit annertusaavigineqarneranni inuiaqatigiit aningaasaqarnerannut sunniutaasussanik nalilersuineq, Alloriarneq 2"-imi aammalu najoqqutassani allani Naalakkersuisut siunnersuutaata aamma Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaannut allannguutissatut siunnersuutip suliarineqarneranut atatillugu Inatsisartunut tunniunneqartumi, tamanna ilaatigut nassuiarneqarpoq.

Suliap iluani pisunut assersuutitut taaneqarsinnaavoq, sanaartornermut aningaasartuutissat inerneru suli ilisimaneqannginnerat. Avataani pisunut assersuutitut taaneqarsinnaavoq ernialiuussat annertussusaanni ineriartorneq aammalu ukiuni aggersuni ilaasut amerlassuserpiaat kiisalu sanaartornermik suliassanik suliarinninnerup kinguaattoorsinnaanera.

Apeqquut 7. Naalakkersuisut innersuussutigisinnaavaat Kalaallit Airports-imut sanaartorneq unitsinneqarallassoq, sioqqullugu qinersisoqassagaluarpas imaluunniit siulersuisut taamatut siunnerfeqassappata?

Akissut: Apeqquummut 5-imut akissuteqaammi oqaaseqaatikka innersuussutigalugit, apeqquummi matumani taamaaqataanik isumaqarpunga apeqquummi piviusunik toqqammaveqanngitsaq. Isumaqarpunga pisussat aalajangersimasut ilisimaneqaratik, pisussatut eqqarsaatigineqartumut Naalakkersuisut qanoq isumaqassagaluarnersut, sioqqutsisumik oqaatigissagaluarukku, sioqqutaarinnermut tamanna takussutissaassoq.

Tamanna tunngavigalugu tunngaviusumik isumaqarpunga, apeqquutip akissuteqarfigineqarnissaa tunngavissaqanngitsaq.

Inatsisartunut qinersinnermut atatillugu Naalakkersuisut atuunnerannut maleruagassat il.il. pillugit, Inatsisartut aamma Naalakkersuisut pillugit Inatsisartut inatsisaanni § 29 innersuussutigissavara. Suliaqarnerit ingerlasut qinersinissamik suaaruteqarnermi nalinginnaasumik unitsikkallarneqarneq ajortut, taamatullu qinersinissamik suaaruteqarnerup kingorna suliniutissanik nutaanik nalinginnaasumik aallartitsisoqarneq ajortoq, inatsimmik piareersaalluni suliani allassimavoq.

Suliassap ingerlanerani kinguaattoortoqarnissaa maannakkorpiaq ilimananngitsaq kiisalu suliassap unitsinnissaanut imaluunniit unitsikkallarnissaanut

pilersaaruteqartoqanngitsoq, naggasiutigalugu paasissutissiissutigisinnaavara.

Neriutigaara matuma siulianiittuni apeqqutit akineqartut.

Inussiarnersumik inuulluaqqusillunga

Karl Frederik Danielsen